
ФАРҒОНАДАН БАНГЛАДЕШГА АВИАҚАТНОВЛАР, ЗИЁРАТЧИ ТУРИСТЛАР, ТЕКСТИЛДА ДУНЁ БОЗОРИНИ БИРГАЛИКДА ЗАБТ ЭТИШ: ФАРҒОНА ВА БЕНГАЛ КЎРФАЗИ ДАВЛАТИ ЎРТАСИДА ҲАМКОРЛИК ЯНГИ БОСҚИЧГА ЧИҚАДИ

Вилоят ҳокими Хайрулло Бозоров Бангладешнинг Ўзбекистондаги Фавқулодда ва мухтор элчиси Муҳаммад Жаҳонгир Аламни қабул қилди.

Учрашувда, савдо-иқтисодий, инвестициялар, туризм, таълим каби соҳаларда Фарғона вилояти ва Бангладеш ўртасида ўзаро ҳамкорлик истиқболлари муҳокама қилинди.

Фарғона вилоятининг текстил соҳасидаги улкан имкониятларини қайд этган Жаҳонгир Алам, текстил маҳсулотлари экспорти ҳажми бўйича дунёда етакчи мамлакатлардан бири бўлган Бангладешнинг илғор компаниялари вилоятда қўшма лойиҳаларни амалга оширишга тайёр эканликларини билдирди.

Хайрулло Бозоров, ўз навбатида дунё бозорида ўз мустаҳкам ўрнига эга бўлган Бангладеш текстил компанияларининг Фарғонада амалга оширадиган лойиҳаларини ҳар томонлама қўллаб-қувватлашга, ҳамкорлик кўлаmidан келиб чиқиб Фарғона вилоятида Бангладеш компаниялари учун махсус эркин иқтисодий зона ташкил этишга тайёр эканликларини билдирди.

Бангладешлик сайёҳларни Фарғона вилояти бўйлаб зиёрат туризмига жалб этиш, Фарғона-Дакка авиақатновларини йўлга қўйиш, таълим соҳасида мутахассислар алмашинувини йўлга қўйиш масалалари бўйича ҳам алоҳида сўз борди.

2021-02-02 12:24:02